


تکلمی



تكلّمي

كل الشكر والتقدير لمن ساهم بإنجاز هذا العمل،
وخصوصاً: فرح قبيسي وفارس رجب وعز الدين شهاب وياسر الزيّات.

كلمة شكر

منسقة المشروع
صفا حمزة

فريق العمل

ترجمة
سارة قدورة
هبة ب.

تحرير
صفا حمزة
مهدي زيدان

تصميم ورسم
تالا شرف الدين

ما ورد في الكتيّب جاء على لسان من أجريت معهم المقابلات،
ولا يعكس بالضرورة آراء النادي النسوي التقاطعي في الجامعة
اللبنانية الأميركية أو المانحين.



LAU
Intersectional
Feminist
Club

المؤسسة العربية
للحريات والمساواة
arab foundation for
freedoms and equality



إلى جميع المتحولات.

مقدّمة

يهدف هذا المشروع إلى أن يكون صوتاً يروي قصص وحكايات النساء المتحولات اللواتي يعشن في بيروت، وذلك عبر جمعها ونشرها في هذا الكتيّب الذي سيوزّع على المجموعات المهتمة. كطلاب ونشطاء وأشخاص كوير يعيشون في بيروت، لاحظنا ضعف حضور قضايا المتحولين والمتحولات في النقاشات المتعلقة بالنوع الاجتماعي والحياة الجنسية ضمن مجتمع الميم. بجمع ونشر هذه السير الذاتية الموجزة، نأمل أن تتمكن من تسليط الضوء على النضالات اليومية التي يعيشها المتحولون والمتحولات.

تعود فكرة هذا المشروع إلى كتاب سابق أنتجه نشطاء مجموعة «ميم» ووثّق بعض تجارب النساء الكوير في لبنان، هو طبعاً كتاب بريد مستعجل. روى لنا هذا الكتاب قصصاً مأساوية ولكن أيضاً ممتعة عن كويريات حقيقيات يحاولن التغلب على المصاعب التي تواجههن في لبنان. كانت تلك أولى القصص التي سمعناها وقرأناها عن هذه الفئة من المجتمع اللبناني، ورأينا أن مشروعاً مماثلاً يتناول المتحولات لا يقل أهمية عن ذلك المشروع.

ليست القصص الخمس الواردة في هذا الكتيّب شاملة، وهي محاولة لتقديم رواية حول رحلة حياة المتحولات وكيف وصلن إلى ما وصلن إليه، وهي رحلة تمر غالباً عبر الهروب من عنف العائلة أو الدولة وتنتهي باللجوء إلى بيروت - وهي مدينة معروفة بمزيجها الخاص من المتعاب. ومع ذلك تشكل هذه القصص محاولة أولى للكشف عن قصة ما تزال خافية.

نأمل أن ينجح هذا الكتيّب الصغير في نقل قصص المتحولين إلى أبعد مما وصلت إليه حتى الآن، كما نأمل أن يكون محاولة أولى وليس كامل الحكاية بالنسبة لمعظمهم.

ما بدني أعمل هون شي واو لأنني مفكرة لبنان محطة انتقال، مضطرة أتحمّل كل شي. كل همّي عيش وارجع ناشطة بملف مجتمع الم.م.م. كل اللي شفته واللي مريت فيه، و اكيّد في اشخاص اكرت.. انا اختصرت قصة حياتي. انا مهتد عشائرياً. بدهم ياخدوا تاريخي، مهتدور دمي..

بدي المجتمع يرحمنا بالشارع بس، مش يفوت حدا يبصق علينا. طالب جامعة هون بفوت هو ورفقاته يصورونا ويتسمخروا علينا، والنسوان يسبوا علينا، هاي مرأة المفروض تفهم علينا. ما مقتنع فينا ما ضروري تتمسخر علينا، بكفي الدرك والدولة. بس ارحمونا.



إسمي دعاء وأنا عراقية.

انا مواليد 1988. اليوم انا بضل قاعدة بالبيت، بفضي حالي اذا نظمنا شي بـ"علم" بس أكثر الاحيان بالبيت. عندي حبيب كان بالعراق وسافرت عالمانيا ورجعت وتبهذلت ورجعنا لهون وقدمنا لجوء. من البيت لـ"علم" و"مخزومي" للبيت هون. طلعت من العراق بشهر سبعة 2016. إجيت لهون قدمت ومشيت حالي. طلعت من الاضطهاد والحكي وعدم التقبل من العالم. ما حدا ساعدني.

انا يتيمة ما عندي حدا. أبي وأممي تركوني. سجلوني بإسم عيلة غير. هلاً مش إسم أبي الحقيقي غبطاقتي. زوجته الجديدة حكته بتتزوج اذا ما بسجلني بإسمه بأوراقى الثبوتية. عملولي أوراق مع قريبتنا لأن زوجته ما تقبلتني. كان شكلي كثير مثل البنت فحكته ما بعدها تجيب طفل شبهي يتأثر فيّ. حسيت فيني من صغري إنني أنا هيك. كنت كثير بنوتي بسوي أضافري. ما بلعب مع الصبيان، بلعب مع البنات أكثر. وأكثر شي الصبيان يضربوني وأهلي يرجعوا يضربوني لأنني هيك. ويحكولي ما تلعب هيك وما تعمل هيك. من وقتها ما عندي أوراق ثبوتية أصلية. ستي كان عندها ذهب، باعتهم وعطتهم لمررت عمي لتعملي أوراق إنني أحوها. بس قبضوا المصارفي عملولي الأوراق ومشيت حالي وسجلت مدرسة، بس كله مش على إسم أبي الحقيقي. تلخبطت حياتي والشخص اللي مسجل إنني ابنه مات فصرت أحكي أبي ميت قدام رفقاتي. كل رفقاتي معهم أهلهم و أنا معي بس ستي. من أنا وصغير كان عمري 10 أيام لما أخذوني من عند إمي بعد ما تعارك أبي بسبب علاقته القديمة مع زوجته الجديدة. لسة ما شايف إمي ولا يعرفها. بالعراق ستي ربتني وصرفت عليّ لحد ما كبرت وصارت بالتخت وصارت تتحفظ. أولادها تركوها وما عانوها وأنا ضايت معها أهتم فيها أغيرلها حفاظات أحصمها. وقتها تركت المدرسة تبعي لأهتم فيها. يوم عن يوم كانت تسوء حالتها أكثر، وأنا مرضت وصار عندي روماتيزم بالعظم من البرد وقت ما أغسل بالشتي وحالتنا كانت ما منيحة. ستي كان عندها ذهب ومصاري بس اولادها منتظرينها لتموت لياخدوا ورثة، أما أنا كنت متعذب معها. بالزور كانوا يعطوني مصاري منهم أشتريها أغراض بأسعار رخيصة يحسبلي ياهم تبع الصيدلية مراعاة بوضعنا. ضل هيك الوضع لحد ما ماتت وأنا ترممطت وصارت حالتني صعبة. تشردت من بيت لبيت لعماتي يلي ما بيعرفوني ويخافوا مني وأخاف منهم. وطبعاً كان صعب أقعد عندهم أحسن ما الجيش يدخل عالبيت ويسأل من هاد وأنا مسجل بإسمهم. أزواج عماتي كمان ما كانوا يتقبلوني ويحكولي ليش هيك شكلك. بالرغم من انه بعد ما توفت ستي حسيت حالي حر شوي، بس عماتي ما كانوا يقبلوا وكانوا يخلوني بالبيت 24 ساعة أشتغل بالبيت بالتنظيف والغسيل والطبخ... طب اذا ما بتعتبروني بنت ليش بتخلوني أعمل هاي الأشياء؟

عمتي سميتني دعاء، ما بعرف ليه. حظي ولا شو. سميتني إسم يعتبر إسم أنثى عالهيوية، فعملي مشاكل بالعراق. رجعت أنا سميت أسمي حيدر قدام الناس هون بس جيت علبنان و عملت ذقن عشان يقبلوا يعطوني سكن. بس بالعراق كنت كثير ترانس وما عندي ذقن، إضطربت أعمل هيك ليخف الإضطهاد عنني.

بالعراق كنا نلقتي انا ورفقاتي الترانس تحت الجسر، نحتفل بأعياد الميلاد، نرفه عن بعض بس كله بالسرة. من ورا الجيش الأمريكي وجيش المهدي وغيرهم كنا ما نضهر، نخاف نلبس ضيق، ما نلبس حلقات او نطوّل شعر. بيحاسبوا على كثير إشيأ. أغلب رفقاتي راحوا قتل. بس انا كنت مخبي حالي أكثر شي بالبيت. يعني انا بحب البيت، ما بحب اطلع واضهر، تأقلمت على هيدا الموضوع. بالبيت بيحكولي شو أعمل من شغل فما بلحق إضهر. بصير خلص بتابع مسلسلات بس خلص شغل وما بضهر، إلا إذا صادفت اني صاحبت واحد وطلعت معه. كان عندي حبيب

يساعدني يلملي

غراضي اذا تخانقت

مع حدا وفليت عند

عمتي الثانية او عمي.

أغلب المشاكل تصير لأنني

ترانس وأخر شي اتشرد

لأن ما عندي سكن.



تعرفت على حبيبي بال 2008

ولهلاً بعدنا سوا. تصير مشاكل كثير

بعدين نرجع لبعض. تعرفنا من خلال

موقع تواصل الفيسبوك، كان عارض البسة

(القطعة) تبعه وأنا كان عندي بسة. هو كان

بدوحدا يعتني فيها، فأنا تطوعت اعنتي

فيها لأنني بحب البسس، وهو كان بدو يخليها

عند حدا بس اسبوعين. وقتها كنت شوي

مرتاح عند بيت عمتي وسمحولي جيب بسة.

بعدين بعد فترة احتجت مكان حط في بستي

فحكيتله ووقتها لقالني حدا يهتم فيها. وحب

الموضوع. حسيته حس فيّ وصار يساعدني

ويعزمني عـ"الكوفي شوب" عشان يردلي جميل

إنني خليت البسة عندي. صار يدقلي كثير وتحدث

ونلقتي وحبينا بعض. كان كثير خدم وعنده سيارة،

فمرة عم يساعدني انقل غراضي وكنت عم بيكي.

بس شافني هيك. كثير انقهر عليّ. وقتها فشيت

خلقي وحكيت كل شي. كنت عارفة انه هو حاسس

فيني، وتمنيت انه هو يرتبط في لانه كثير حنون

وطيب. وارتبطنا وذلينا تقريبا اشهر مرتبطين وما

صار شي بيناتنا، الا لاتفقنا عكل شي وحكينا

بالمواضيع وتقبليني وتقبل كثير شغلات في.

كان يساعدني بالمصاري ويصرف علي بس

حكالي لا تطلع من البيت لأنه يخاف علي من جيش المهدي والعصاب. هدول العصاب مدعومين من الدولة يعني لو عملوا حاجز، الدرك ما بيسرتجي يحكيهم، حتى لو قتلوا حد قدامهم، فهو كان يجيلي كل شي وما خلاني احتاج لأي حد.

كنت اشتغل وقتها بمنظمة كانت أساسا للمثليين بس بالاسم لحقوق المرأة. فكانوا الأشخاص الترانس يجوا عليها خلال ايام الاسبوع، وبنهاية الاسبوع بتسكر فيجوا عندي الأشخاص الترانس بنهاية الاسبوع اخليهم، وأوديهم بس يبلش الاسبوع عالمنظمة ليناموا هناك. كان في مثل شلتر(مأوى) ينام ويعطوه مصاري وما فيه يظهر إلا الاحد. انا كنت اتطوع هناك يعني. حضرنا وقتها كتير اجتماعات مع مسؤولين دبلوماسيين حبيت بسمعو آرائنا بيلي بصير. بعد فترة رحت عتركيا انا وحببي لنقدم لجوء ألمانيا وطلهم يشمشطوا (يعذبوا) فينا لفترة طويلة لحد ما رحنا أوروبا خلال البحر. سبع ساعات بالبحر كنت رح أموت وهي تطلع علينا المي وانا ابكي لحد ما وصلت عاليونان. وقتها استقبلوني عالشط بنات اخدوني وصوروني وبعديها رحنا ألمانيا. ضليت هناك بالمخيم اربعين يوم قدمت عاللجوء. بالمخيم كانوا يحكولي ما تقول انك مثلي وما تبين حالك ترانس. اضل احكيلهم اني بنت واحكولي بالمؤنث بس ما كانوا يردوا وكان في سوء معاملة وضل خايفة انضرب. طق خلقي وما تحملت ما كنت اقدر انزل عالتياليت الا لاقني رجال واقفين ناظريني لينتشرشوا في. لو حكيت لحببي كان ممكن يعمل مشكل وينضرب. فأنا خفت وقتها من المشاكل وحكيت لحببي خلينا نرجع. حكيت مع بنت عمتي لأرجع عندها بالعراق وضليت هناك ست شهور. كنت وقتها بتواصل مع منظمة عن طريق منظمة ثانية، فصاروا يحكوني يعملوا مقابلات وانصدمو بالاشياء يلي صارت معي. حكولي رح يعطوني منحة يخرجوني من العراق.

طلعتني منحة بس قبلها تعرضت للإغتصاب. كنت رايدة عأربيل لأطلع عتركيا ومن هناك أطلع بطريقة شرعية. بين بغداد وأربيل كنت بفان صغير وكنت وقتها كتير ترانس فطلعت مع مهرب. بنص الطريق وقفونا العصاب، بس شافوا شكلي نزلوني وقطعولي شعري بالسكين وضلوا يضربوا فيني وحكوا لسائق الفان ينزلي أغراضي ويكمل طريقه. طلغوا أغراضي ولاقوا فيها ثياب بنات وصاروا يحكولي شو يا لوطي، شو يا طنطة. كتير أفاض سيئة، يشبهوني بالكلب، ما عندي مشكل مع الكلب بس نيتهم سيئة. كان وقتها في مرة كبيرة بالفان تצל تكي وتعيط بس سواق الفان كبير وخاف وقل. شبعوني قتل وكسرولي أسناني، هلاً عندي علاج فيهن. واحد من أسناني اسود فيه نزيف داخلي. ضل جوازي بإيدي بشنطة صغيرة، خفت ياخوه. قسم منهم قرف مني، وقسم ثاني حوا الموضوع وصاروا بدهم يمارسوا معي الجنس. بيقرقوا عأساس ومسلمين، بس اجا واحد منهم ربط إيدي بجنزير وفوتوني على حمام صغير على منحدر الشارع. صاروا يضربوني عالبيسط جوا بعدين صاروا يفتصوني. شوي دافعت عن حالي فصار يضربني اكثر واجا ورا رفيقه وورا رفيقه. بستلهم اجرهم لينتركوني. آخر واحد قلني بتعمل اللي بدني ياه وبحكلي مع رفقاتي ومنخليك تفل. عملت مع كل المواضيع، لسة ما خلصت رجوع يلي وراه نفس الشيء، نفس الشيء يلي وراه. ثمانية عملوا معي. آخر واحد كانوا عيونني كلها زرق وما شايف شو عم يعمل معي وما قادر اشوف الا ضو. كنت لابس ابيض صاروا كل ملابسي دم. لو انا قاتل حد

من اهلهم ما يبضربوني هيك. طب لي عملتوا في هيك؟ ما بتخافوا من الله. تركوني روح
3 و اواعي كلهم موسخين، تلفوني مكسر، وبس الجواز معي. كان بدهم ياخدوا التلفون لو
ما مكسر. كان بدهم ياخدوا الباسبور ترجيتهم، قتلهم هاد كل حياتي والله بدي اطلع من
العراق وما رح ارجع. واحد حكالي بدك تطلع وتحكي علينا للأجانب برا؟ قام الثاني قال خلص
خليه يمشي. بس طلعت وقف عالشارع للاقي سيارة، لقيتهم كلهم بينصدموا بشكلي.
آخر شي واحد ختير معه كثير اشخاص ترجيته ليطلعني، قلبي ما معي مجال، قام واحد
تبرعلي بمكانه. قعدت قدام بس ضليت استفرغ. قرفمت من حالي وكان كل الفان بيكي.
شاب، مرأة، ختبار.. كله بيكي. قد ما صرت حاكية هالقصة بطلت تأثر فيني. حكيتها بكل
مكان أمل حد يساعدني.

إجيت لبنان ديرلي حبيبي مصاري لركب سنان صناعية. رفقاتي كمان ساعدوني صاروا
يجمعولي مصاري من هون وهون لإقدر عيش، هاي بالإضافة للمصاري من منظمة
ال \$5000 اللي حسبولي ياه عكم بدي ادفع سكن واعيش بلبنان. بس جيت لهون استأجرت
محل، قام فللني صاحب البيت بعد كم يوم لأنني كثير ترانس. نقلت اكر من محل. اخر شي
لقيت بيت ببرج صمود بس كان بدو مصاري كثير فوق ال \$400 حق الغراض اللي فيه. قام قلبي
بدو \$1000، توسلته لعطاني ياه ب \$900. بس كنت لحالي، الحمام لحالي أحسن ما الناس دايم
ينصدموا في. كل شي لحالي، مطبخ لحالي.. ارتحت لهاد الموضوع. طز بال 900 بس بدي أمن
عحالي.

هلاً ناطرة قرار الأمم (المتحدة). رحت هناك بس كمان هم مش مناخ معنا. اللي عالشباك كثير
ما عنده اسلوب وما بيحترم المثليين والترانس. جاري شفته هناك بس عرف اني ترانس قلبي
انا شفتك انت شو، وقل سلامه معي من وقتها. اللي بشتغل بالأمم حط ملفاتنا أنا وحبيبي
يبلدان مختلفة وكان لئيم معي.

انا هلاً بس بدي فل من هون وطلع الاحساس اللي بداخلي. يعني انا من جوا بنت بس شكلي
شاب، بدي اقدر عبر عن حالي مثل ما انا. هون دقني ما قادر شيلها. ما في يوم ما بيكي مع
حالي. بيكي وانا وماشي بالطريق، طب بدي ضل صابرة هون وشو بعدين؟ كل يومين
بيقطعولنا من معاشنا كمان من منظمة. كان عايشين بتهديد. كل يوم بيعتولنا رسالة ان
الفدا انقطع، المصاري انقطعت، الاجتماع تأجل بالأمم.. بظلمهم يتمقطعوا فينا. طب عاملونا
منيح..

انا بدي الجيل الجديد شوي بس يرأفوا فينا، ما يقرفوا منا، نحن ناس كثير طبيين من جوا.
منختلف على اشيا معينة بس نحن من جوا طبيين. كثير تأدينا بحياتنا وعشنا اضطهادات..
اتمنى ما يعاملوا حدا مثل يلي مرينا فيه،
بس هيك.

اسمي لمني من الجنوب.

تزوجت وعندي ولدتين: بنت وصبي. من وقت ما كنت صغيرة، عمر الـ 5 سنين اغتصبوني عدة اشخاص بالضيقة. كان عمرهم 18 و19 سنة. لهلاً بشوفهم، وبتعرف على وجوههم، بس هني مفكريني نسيت.. كنت بعدني طفل، من بعد ما نقلنا على صي ثاني للسكن، لما كان يتضح علي رجال جسيم كثير عمره 20 سنة، كان ياخديني عالصيد ويقلني "امشي بدني خليكي تقوصي بالبارودة". ظل يمارس معي الجنس لحتى صار عمري 13 سنة وما حدا كان يعرف، ولا حتى أهلي. كنت افزع (خاف) كثير. كان وحش..

بعد فترة، سافرت وقعدت ببلد بأفريقيا. صرت حس بالرغبة إنو نام مع رجال هونيك.. صرت نام مع أشخاص وما صاحبهم، وحس جسمي ضعيف وناقص. لما اتطلع للرجال واتطلع بحالي لاقني عندي نقص وضعف بشخصيتي. لهيك صرت حب البس تياب نسواني من بعد ما جيت من افريقيا. حببت البس أكثر شي لانجيري نسائية. بقيت عالحالة 12 سنة بالخفي، وصرت اشترتي تياب نسائية ضيقة البسها. اشتريهن من المولات والبنات تعاطفوا معي. البسهن مش كرمال فرجي جسمي للرجال، كرمال انبسط فيهن. بقيت هيك عم دمر حياتي.

من بعد ما جيت من افريقيا تزوجت. بقيت هيك بزواجي. مرتي ما كانت تعرف بموضوعي. لحتى فترة من الفترات طلقنا فترة قصيرة شي عشرين يوم ورجعت. بعدها رجعنا تطلقنا مرة ثانية لأنه بطن سمعت من حدا لمحني لابس تياب نسواني. تركتلي تياب نسواني بالخزانة لتشوف اذا بدني البسن او لا. حرقتن وقتلتها ترجعلي لأنها مرتي وإم ولادي وما بفزط فيهن. المهم، رجعت. صارت مرتي تقوم أوقات بدور الرجال معي، وانا قوم بالعادة السرية، وتحط كف وغيره من الالعاب جنسية. في مرة راحت اشترت معي "بايبي دول" و لعبت دور الرجال معي. بقينا على الحالة، ما في علاقة جنسية مطبوعة. خفت على ابني من حكي الناس. وهي كمان على الرغم من إنو، لهلاً، بالضيقة ما حدا بيعرف أبدا. كرمال هيك، قررنا نتطلق بكل حب ورضا عند الشيخ. تركتلا سيارتي وبيتني كرمال ابني ما يتأذى على شان بتعرفني جو الضيقة غير جو هون.

البنات بالمول خبروني عن "حلم". لما جيت على بيروت تواصلت مع "حلم" وحكيتلن قصتي. تقبلوا قصتي. قبل هيك ما كنت اعرف بيروت، باستثناء شارع الحمرا لزرته مرتين أو ثلاثة قبل. الي ببيروت 12 يوم وبعندي عم بتعرف عالمدينة لما بعرفا مثل ما بعرف صيدا وبيعرفني أهلها منيح.. الشباب هونيك بس لما يشوفوني بيهيصوا، ففزعت على ابني يعرف. بخاف انه حدا يصورني وينزل صورتي على الفيسبوك. مباح حكيت مع مرتي أخيرا. كل عيلتي كانت عاملتلي بلوك (حظر). ما عاد الي حدا وحسيت الدنيا ضاقت فيني. شغل ما لقيت وما حدا بدو يشغلني. بحياتي ما مديت ايدي لحدا وهلاً عم بشحد شحادة. هديك المرة لطلع مصروفي، كنت مارقة من برج صمود، لقيت حدا، عيطلي، وعملتله بتمني لعطاني 10,000. خلصوا مصرياتي مني وما في جمعيات بتساعد لبنانيين وبطل عندي شي بيعه.

بسترد شوي من روحي لما امشي عادي بمناطق منفتحة. ما حدا بيضايقني، الا احيانا



اشخاص أو الأولاد الصغار لبيصروا يلبطشه. بس ما يرتاح روح على اماكن تانية محافظة أو مش منفتحة بتيايبي او بمنظري هيدا. مثلا، ما فيني روح هيك عالكولا. فيني يعني بس بدني امشي بسرعة مية من فرعي. فبتجنب هيدا الموضوع شوي. لو بس بيعرفوا الشخص شو صاير بحياته وشو صاير معه، ساعتها رح يقولوا هيدا الشخص معه حق. انا مزوجة، مش بإيدي تركت عيلتي. قديش عم بصير فيني وقديش عم بندم. ابني بالنادر لإحكي معه ورح افقع. ويلي تركت عيلتي من جهة وويلي مش عم لاقني شغل. صرلي يومين متوتر وبحالة انهيار عصبي. طليقتي ما بترد عليّ. بترجهاها وبقلها نحنا اطلقنا برضى وبحب، بترجأكي اطميني عني. اعتبريني غريب اطميني عني. انا بي ولادك، عطيني الحنية، ما اتطلقنا عمشك، ولا نهار ضاربك ولا نهار لمستك او عملتك مشاكل.

صار معي حالة انهيار، وين بدني روح؟ عالشارع؟ وين كنت ووين صرت؟ اضطربت دق لمرتي انحصمها وقلها انا ما عاد بدني هيك ولازم ارجع مثل ما كنت. بس ممكن اذا رجعت ارجع اقعد نفس الشني. انا مرتاحة بلبسي ومبسوطة. بس ما ميسوطة بالنسبة للجمعيات اللي هون. إذا نحنا اللبنايات ما بدن يوقفوا حدنا. بيوقفوا مع الغريب؟ انا بكرنا بنام بالشارع وبيجوا بيضبونني سكاكين انا ونايم. حاسة حالي غريبة وين ما عم روح. بحب كثير سافر لبرا لارتاح اكثر بس ما معي مادة لحتي سافر، بقدر قدم لجوء بس ما معي مادة بإيدي. ما معي أكل ولا اشرب سيجارة، يا ريت فاعل خير بيقدر يساعدي واقدر اطلع من البلد، وإلا انا حياتي تعيسة إذا ما لقيت شغل.

انا راشيل، 27 عاماً من لبنان

ساكن مع أمي ، أمي وأبي قطلاقين، ما يشتغل لأنه أي وظيفة بتقدمها بنرفض بسبب شكلي.. درست للبريفيه، اشتغلت في أكثر من مكان بس من شي سنة ونص. ما كان شعري طويل وما كنت حاطة حلق وهلاً بلشت هورمونات، كان شكلي مقبول أكثر بنظر الناس . طفولتي كانت منيحة لوقت ما تطلقوا أهلي و صار مشاكل كثير ، كان عمري 10 سنين وقتها وصرنا نتنقل بين امي و ابي. أوقات أبي يكب المشاكل علينا ويطردنا من البيت او ياخذنا من عند امي. ما كان في استقرار أولها سجلنا بمدرسة داخلية، تعرضت لكثير اشياء بهديك الفترة بالبيت كان هو يضربنا وبالمدرسة كنت أتعرض لتحرش من الطلاب. عرف أبي بقضية بالتحرش ووقتها صار يضربني ويلومني. انا كنت صغير ويلي اكبر مني يتحرش فيني وانا بعدني ما بعرف شو السكس. كثير تأذيت بهديك الفترة و والدي بدال ما يفهمني أو يساعدي ياخذني عند حدا صار يضربني بعدين عرفت امي بس هي كانت بعيدة وكنا عايشين مع أبي وقتها. العيشة مع امي افضل من والدي اللي ما بيتقبل وبيضرب هي مش متقبلة بس بتضل أفضل منه .

والدي عرف من 7-8 شهور وحاول يقنعني اني مو هيك لكن أمي كانت متفهمة اكثر و صارت تساعديني كيف اتعايش مع الشفلة، صار الكل يلومو أمي انه عم تشجعني. حاولوا كثير بس انا ما بقدر غير حالي. كان والدي شاكك من قبل لأنني كنت شيل شعري من بعض الأماكن أو رتبط حواجبي بس ما كان متأكد 100% او انه كان عم يكذب حاله، امي بتخاف علي كون بزّا البيت رغم انه معاملتها معي مو كثير منيحة لكنها افضل من والدي.

ما بقدر نهائياً اطلع من البيت. امي ما بتعطيني مصاري بس مأميتلي نومة وأكل وشرب. بس هذا مش حل وطريقة لكفي حياتي بعدين، وهي وضعها المادي مش منيح فعم فكر انه حبيبي هلاً بدو يروح لجوء فحيدمجنني معه بملف لّم شمل، او يحاول روح سياحة وذل معه. غير هيك ما إلي عيشة هون. حبيبي سوري لهيك بيقدر يقدم للجوء، انا اذا بدني قدام بصير بدني روح غ تركيا او بلد ثاني لقدم لجوء. هو عمل الاربعاء الماضي مقابلة مع السفارة الهولندية وحكوله بيردوله خير، وبعد ما يطلع هناك بتلات شهور بيقدر يطلبنني. ما بعرف اذا فيني اتحمل لحد ما يجني وقت لّم الشمل، بفكر اطلع سياحة عنده وتزوج.


ما عندي رفقة بيتفهموا، بس رفقاتي يلي هون بـ "حلم". ما كثير بقدر آجي لهون لأن بيتي بعيد صرت دايماً احيط حالي بحبيبي وبأصدقائي يلي هون بس ما في غيرن وبتدعم بعض، ما فيني شوفهم بغير مطرح والطريق مش آمنة لأشوف حبيبي حتى. الكل بيتطلع بشكلي وهم يكونوا وراقهم خالصين (غير صالحة) بمناكلها تينياتنا. انا فيني دق لحدنا من هون ياخذني بس هو يلي بياكلها وانا ما بحب يدايقوه فلهيك محصورين بالمحل هون.

صرلنا انا وحبيبي لليوم ست شهور، حببت كثير اشخاص من قبل بس يكون من طرف واحد و يكون بدهم يتسلوا معي ومع غيري فاكتشف هالشئ وأتركهم، هلاً حبيبي كثير بحبني وانا بحبه.

كنت مع صديق اله بدو ياخذنا على مطرح شغل وحكالي في حدا صيجي معنا قتلته لا ما بدني لانه بعرف اللي بجيهون بحب يعرفهن علي، بس شفته جاي معي هيك ارتحت من اول مرة. ما بعرف ليه ارتحلته، وتعرفنا وصرنا على أساس أصحاب وبهداك الوقت كنت مكسورة وقتلته بليز بدني نزلنا أصحاب لأنني زهقت. ما لقينا الا حبينا بعض المفروض اليوم يعرف الموافقة غ اللجوء، ما إلنا حل الا نكون سوا. بحب نكون ببلد أمان نمشي سوا، ما فيني شوفه كثير هون.

بهمني أكثر شي كون معي بيت واحد، نام حده، بحس بنكون حينا أكثر بعدين، تعلقنا ببعض، نكون بأمان مبسوطين، نستقر ويكون إلنا حياتنا. ما بعرف ليه عم بكلي، يمكن غ الهورمونات.

بتمنى المجتمع يفهمنا لأنه هالشي مش يايدنا. إذا الله سمح بهيك، ليه بدهم بلومونا؟ ما بنقدر نغير بحالنا و نحن مو لهالدرجة سيئين. لهلاً بعدني مش عامل سكس لأنه ناظر شوف شخص بحبه وبيستحق بصي لقدمله حالي. ما يحكموا علينا إن كنا ترانس او لا، انك ترانس ما اله دخل بأخلاقك او انك منيح أو لا.



سوزي من العراق. عمري ٦٨ سنة.

اهلي بالعراق. اجيت لهون على لبنان لأقدم على مفوضية الأمم (المتّحدة) على شان يساعدوني حتى قدم لجوء على شي دولة أوربية. بالعراق كنت كثير مضطهدة ومهدّدة بالقتل. بيضروني بالحجار بالطريق. بعاملوني معاملة ولا اسوأ، كنت مهددة من العصابات و الميليشيات وجيش المهدي. قتلوا كثير أشخاص مثليين/ات وترانس بالشارع قدام الناس. بعدبوهم وبعملوا اشياء كثير بشعة. بحس حالي مبتلاة من الله بلاء كثير كبير. لأنني ما خلقت شب ولا بنت. احيانا بفكر انتحر. ليه الله عاقبني؟ ترك كل هالناس واجاني الي. لا فيني ازوج ولا شي. بصير بيكي وبتتعب نفسيتي. اهلي ما متقبليني لانني هيك. مش رضايين عني. بس اقعده معهن ما بحس انهم اهلي. ما بيحكوا معي. بحس حالي غريبة بيناتن. قتلن رح سافر قالولي الله معك. صرلي شهر ونص هون. قدمت على مفوضية الأمم (المتّحدة) هون بلبنان لأن بالعراق ما في. بس هون او الاردن او تركيا. بس لبنان الوحيد اللي بيعطوا فيها مساعدات ايجار 200 دولار. جيت لهون وعم انظر سفري على أوروبا. لان بتعرفي هي دولة عربية، فيها ناس بتتقبل وناس لا. كثير واجهت مشاكل. أشخاص بصوروني بالشارع وييرموا علي قناني مي. حتى بالحصرا بيتعرضولي لأن منطقة كل الناس بروحوا عليها.

من طفولتي وانا وعيت على حالي هيك. من لما سجلت بالمدرسة. مدرسة للشباب ورفقاتي من الاول ابتدائي بيضحكوا علي وهم صفار. انا طفل ما بعرف، بتفنج وهيك وبيضحكوا علي حتى اساتذتي. ولما كبرت زاد العذاب. بعدين صرت غيّر ليسي وانطلع بحالي بالمرامية. واتقبل حالي اني بنت. رحت عند الحكيم النفساني لأنني تعبت كثير، قتلته انا هيك هيك. قالي منعمل تحاليل للهرمونات ومنشوف. طلغوا عندي الهرمونات النسوية أعلى من الرجولية. قالي ما في علاج، بتيجي من الله ما فينا نعملك شي. ما عملت شي من وقتها.

من لما كنت صغيرة اهلي يفكرونني بكرة وكبر وانا هيك لأنهم مدلعيني. بس شافوا الحالة عم تصير للأسوأ. وكلام الناس بالشارع بالمرّة، والعراق منطقة عشائرية. صاروا الناس يدقوا الباب على أهلي ويقولولهن ليه هيك ابنكم شو عامل بحاله؟ ارجع على البيت آكل ضرب شو اعمل؟ مش بايدي؟ لو بايدي بغير حالي.


العصابات والميليشيات مموليتهم الدولة وبتحميهم. بيرموا عليّ الحجار. طرقوا الباب على اهلي وعطوهم كتاب تهديد انه مهدد بالقتل بعد ثلاث ايام خلص. بدهم ياني اتغير او ييقتلونني خلال ثلاث ايام. لازم اعمل حالي زلعة، اغير ليسي وشعري. كيف بعمل هيك؟ ما فيني. نفسيتي بتتعب. قمت هربت على أربيل وهي محافظة بالعراق، اختي هونيك متزوجة شوي برتاح اكثر حدها. رغم انهم ناس مش منفتحين، بس هونيك في جبال. هونيك تعرضت لحادث اخذوني بسيارة عالجال. كانوا بدهم يقتلونني. سحبوا عليّ المسدس وما كان بدن غير يستغلوني جنسيا وخلص. لما ما عطيتهم وصرت ابكي، كان بدن يقتلونني. بعدين اغتصبوني، شو بدني اعمل. هم شباب وجايين فرد (مسدّس). اضطربت. شو بدني اعمل. بعدين تركوني لحالي بليلة سودة مع الكلاب السود بمشي بالشارع وبيكي. رجعت لأختي. من وقتها جيت لهون. اختي الوحيدة اللي بتساندني. بحكيها بتحكيولي.



رحت عند مفوضية الأمم (المتّحدة) وحكيتلن. عم يمشوا بملفي ليشوفوا اي بلد فاتحة لجوء لبيعتوني هونيك. طلعت نيوزيلندا. بس يعطوا موافقة السفارة بروح بعمل مقابلة وخلص. قالولي ست شهر بدها تقريبا.

انا بحاجة لدعم مش مادي، دعم نفسي. محتاجين هون الناس شوي بس تتفتح. ما بدنا غير شي. ما في داعي بس نمرق من حد شباب يصيروا يفلطوا علينا. يطنشونا. بس هاد اللبي بدنا ياه، نقدر نعيش حياتنا. ما بدنا ناس تتدخل فينا. انت فيكي تمشي، انا بس امشي عندي مشاكل غير. هاد حيزرنيي حيظفني، لي هيك بحكيني؟ بسيني وبسبّ اهلي. ما عندي قوة احكي. بنهزم، بخرس وبمشي. بس بحاجة لدعم نفسي. إذا ما بدن يساعدوا، ما يتدخلوا. بس بدنا دعم وخلص منرتاح.

بس روح على نيوزيلندا بعمل حالي مرة وبعمل العملية وبرضى باللي الله كاتبه، بتزوج وبجيب ولد وبيني عيلة ان شاء الله. بتمنى صير إم متزوجة وعندي بيت.



تكلّمي

